

P. 99, L. 2【網明菩薩放光】《思益梵天所問經》卷2〈難問品 5〉：「爾時長老迦葉承佛聖旨，白佛言：『世尊！是網明菩薩以何因緣號網明乎？』佛告網明：『善男子！現汝福報光明因緣，令諸天、人、一切世間皆得歡喜，其有福德因緣者當發菩提心。』於是網明即受佛教，偏袒右肩，從右手赤白莊嚴爪指間放大光明，普照十方無量無邊阿僧祇佛國，皆悉通達。其中地獄、畜生、餓鬼、盲聾瘡癰、手足拘攣、老病苦痛、貪欲瞋恚、愚癡裸形、醜陋貧窮、飢渴囹圄、繫閉困厄、垂死慳貪、破戒瞋恚、懈怠妄念無慧、少於聞見、無慚無愧、墮邪疑網，如是等眾生，遇斯光者皆得快樂，無有眾生為貪欲、瞋恚、愚癡、憍慢、憂愁、懷恨等之所惱也。其在佛前大會之眾：菩薩摩訶薩、天、龍、夜叉、乾闥婆等，及比丘、比丘尼、優婆塞、優婆夷眾，是諸眾生同一金色與佛無異，有三十二相、八十隨形好、無見頂者，皆坐寶蓮華座，寶交絡蓋羅覆其上，等無差別。諸會眾生皆得快樂，譬如菩薩入發喜莊嚴三昧。時諸大眾得未曾有，各各相見如佛無異；不見佛身為大，己身為小。」(T15, p. 43, b14-c5)

P. 99, L. 3【佛自放六度光】《思益梵天所問經》卷1〈序品 1〉：「…又如來光名曰能捨，佛以此光能破眾生慳貪之心，令行**布施**；又如來光名無惱熱，佛以此光能令毀禁眾生皆得**持戒**；又如來光名曰安利，佛以此光能令瞋恨眾生皆行**忍辱**；又如來光名曰勤修，佛以此光能令懈怠眾生皆行**精進**；又如來光名曰一心，佛以此光能令妄念眾生皆得**禪定**；又如來光名曰能解，佛以此光能令愚癡眾生皆得**智慧**…」「網明當知！如來若以一劫、若減一劫，說此光明力用名號不可窮盡。」(T15, p. 33, c29-p. 34, a20)

P. 99, L. 4【佛告思益梵天】《思益梵天所問經》卷1〈分別品 3〉：「思益梵天白佛言：『世尊！誰應受供養？』佛告梵天：『不為世法之所牽者。』……「世尊！何謂菩薩能為施主？」佛言：『菩薩能教眾生一切智心。』「世尊！何謂菩薩能奉禁戒？」佛言：『常能不捨菩提之心。』「世尊！何謂菩薩能行忍辱？」佛言：『**見心相念念滅**。』「世尊！何謂菩薩能行精進？」佛言：『求心不可得。』「世尊！何謂菩薩能行禪定？」佛言：『能除身心麤相。』「世尊！何謂菩薩能行智慧？」佛言：『於一切法無有戲論。』」(T15, p. 37, b3-26)

《法華文句記》卷3〈釋序品〉：「不捨菩提心名持戒，**不見心相生滅名忍**，求心不可得名進」(T34, p. 201b19-20)《法華經文句記箋難》卷1〈序品第一〉：「不

見心相生滅名忍 忘生滅相。」(X29, p. 508a17)《勝思惟梵天所問經》卷 1：「世尊！云何諸菩薩能行忍辱？」佛言：「以見一切智心無盡故。」(T15, p. 67b17-18)《思益梵天所問經簡註》卷 1〈菩薩正問品第三〉：「見心滅相，則外絕待緣；外絕待緣，則非忍不忍。」(X20, p. 787b3-4)「不見心相生滅」：無能緣心。「見心相念念滅」：外緣絕待，無所緣境。無所亦無能矣！

P. 99, L. 6【又云】《思益梵天所問經》卷 2〈解諸法品 4〉：「梵天！我說布施即是涅槃，凡人無智，不能善解隨宜所說。菩薩應如是思量：『布施後得大富，此中無法可從一念至一念，若不從一念至一念，即是諸法實相，諸法實相即是涅槃。』持戒是涅槃，不作不起故；忍辱是涅槃，念念滅故；精進是涅槃，無所取故；禪定是涅槃，不貪味故；智慧是涅槃，不得相故。」(T15, p. 40, c28- p. 41, a6)圓澄《思益梵天所問經簡註》卷 2〈如來五力說法品第六〉：「如來本說布施是涅槃，有時為破慳悋眾生，說布施後得大富。凡夫不能善知隨宜之說，以謂菩薩布施後得大富。若布施後得大富，于中有法可從現在至于未來。若現在至于未來，即屬三世。屬三世者，是名虛妄，非佛所說。若從實觀，則無法從一念至一念，以剎那不可得故，是名實相。是故說布施即是涅槃。」(X20, p. 796a12-18)

P. 99, L. 8【布施平等即薩婆若】《思益梵天所問經》卷 2〈問談品 6〉：「世尊！云何具足六波羅蜜已，能滿足薩婆若？」「梵天！布施平等即是薩婆若平等；持戒平等即是薩婆若平等；忍辱平等即是薩婆若平等；精進平等即是薩婆若平等；禪定平等即是薩婆若平等；智慧平等即是薩婆若平等；以是平等等一切法，名為薩婆若。又，梵天！具足布施相、持戒相、忍辱相、精進相、禪定相、智慧相，是名薩婆若。梵天！如是具足六波羅蜜能滿足薩婆若。」(T15, p. 46, b21-c1)《思益梵天所問經簡註》卷 2：「妙覺果體。一切眾生平等本具。良由無明所蔽。不自知其平等之道。妄生分別。動念乖真。若能迴光返照。苟知因心平等。則果地亦平等。因果平等。則一切法無不平等矣。」(X20, p. 811, c5-9)「薩婆若」：一切智，或一切智者、全智者。指在佛果上，了悟一切法之智（一切智），從而引申為證得佛果者之稱號（一切智者）。～《中華佛教百科全書》

P. 99, L. 9【達一切法】《思益梵天所問經》卷 4〈授不退轉天子記品 15〉：「梵天！菩薩成就如是法忍者，能了達一切法無所捨，是名檀波羅蜜；了達一

切法無漏，是名尸波羅蜜；了達一切法無傷，是名羼提波羅蜜；了達一切法無所起，是名毘梨耶波羅蜜；了達一切法平等，是名禪波羅蜜；了達一切法無所分別，是名般若波羅蜜。若菩薩如是了達，則於諸法無增無減、無正無邪。是菩薩雖布施，不求果報；雖持戒，無所貪著；雖忍辱，知內外空；雖精進，知無起相；雖禪定，無所依止；雖行慧，無所取相。」(T15, p. 57, b12-22)

P. 99, L. 9【地持六度各九】《法華經三大部補注》卷 6：「地持六度各九者。六度皆云。一自性。二一切。三難。四一切門。五善人。六一切行。七除惱。八此世他世。九清淨。九名雖同。但以施等簡之。則成六度各九。」(X28, p. 232, a15-18)如前所述【九種大禪】九種大乘禪，乃不共外道與二乘，獨為菩薩所修之九種禪定。類此禪定，其餘五度亦各有九。

《菩薩地持經》卷 4〈1 初方便處·9 施品〉：「云何菩薩檀波羅蜜？略說有九種：一者自性施；二者一切施；三者難施；四者一切門施；五者善人施；六者一切行施；七者除惱施；八者此世他世樂施；九者清淨施。」(T30, p. 906a17-20)

P. 99, L. -4【俱皆得入】經文：「令入佛道」。智祥《法華經授手》卷 1〈序品第一〉：「令入佛道，即轉苦樂于無間，攝彼歸真也。此與上節俱屬禪定，上是定體，此為定中妙應。」(X32, p. 624a6-8)《維摩詰所說經》卷 1〈佛國品 1〉：「當佛現此國土嚴淨之時，寶積所將五百長者子皆得無生法忍，八萬四千人皆發阿耨多羅三藐三菩提心。佛攝神足，於是世界還復如故；求聲聞乘三萬二千人及人，知有為法皆悉無常，遠塵離垢，得法眼淨；八千比丘，不受諸法，漏盡意解。」(T14, p. 538, c29-p. 539, a6)湛然《維摩經略疏》卷 2〈佛國品 1〉：「當佛下。三時眾得益。文為二。一現淨得益。二復土得益。現淨為二。一五百聞說得無生忍。即通七地、別初地、圓初住。次八萬四千發菩提心。……無常迅速，故得法眼淨，見生滅四諦之法分明，小乘法眼在見道位，非大乘法眼也。『八千不受』者，證無學道，不受三界虛妄生死法也。」(T38, p. 596, a28-b7)